

Segun Mario Odor

27 anja Museo Numismatico

awor na Zuidstraat 27

ORIANJESTAD (IPA) Awe tardi lo tuma lugar celebracion di mudamento di Museo Numismatico Aruba pa edificio nobo situa den Zuidstraat no. 7.

En conecion cu esaki Matutino CORANT a tene un entrevista cu e motor tras di e museo aki, sr. Juan Mario Odor kende a traha como uitvoerder na DOW pa hopi aña, pero kende a cuminsa cu e "hobby" aki di colecta placa na 1954.

Segun sr. Odor

henter e asunto aki a cuminsa promer cu 1954, tempo cu e tabata colecta placa den caha di ciga. Riba un bon dia, 24 di November 1954, ela coba un buraco den cura di cas na Emmastraat no. 13 pa planta mata y na un dado momento ela haya dos moneda Ingles shilling. Un tabata di aña 1790 y e otro di anja 1791.

Y esey a duna sr. Odor e inspiracion pa cuminsa colecciona placa. E tempo ey no tabatin hopi turista ta bishita Aruba,

masha poco, ta dos bapor di turista tabata bini esta Santa Rosa y Santa Paula di Grace Line, Hapagh Lines tambe algun.

Via e tripulantenan cu tabata abordo di e barconan aki pa medio di conbersacion, sr. Odor por a compronde cu nan tabata pasa diferente puertonan.

Y pa medio di e tripulantenan aki nan tabata haci sr. Odor e fabor pa por a haya e diferente biyete y monedanan stranjero.

E grupo di tripulan-

tenan aki a bira mescos cu famia pa sr. Odor pa motibo cu nan tabata bishita su cas de facto cada siman y dos siman y caminda cu nan tabata pasa y come.

Odor ta sigui splica cu un tempo e revisitanan "comics" tabata masha popular na Aruba tabata sali avisonan cu adres caminda cu nan ta bende placa na Merca.

Y asina ela manda busca e lista di placanan internanional. Y via correspondencia ela conoce e diferente hendenan cu tabata coleccionista di placa den exterior. Y esaki a sigui y riba un dia ela bira miembro di American Numismatic Association, cu ta un e asosacionan numismatico mas grandi di mundo.

Un parti interesante cu nos por aprecia di sr. Odor tabata e hecho cu "esaki ta e monedanan cu ta bin den historia di bijbel, e temponan ey tabatin denario y por mira claramente cu ta for di e palabra aki e number dinero a bin. Y e denario ey ta cual Judas a vende Cristo cu'ne.

Y e tipo di placanan tambe tin den coleccion, pero no esun original cu e transaccion a tuma lugar tempo di Cristo y mi a dura casi 4 aña pa por a haye.

Pa motibo cu ta hopi hende rond di mundo tin ta aspira pa haye, y mi tabatin e suerte pa por a bin na remarke pa haye.

Puntrando sr. Odor si na Aruba tambe ela haya

varios placa den tempo di indjannan, ela indica cu ela haya algun di e placanan aki riba e Seroe di San Barbola.

Pasobra eynan tin muestra di cu tabatin Indjan y hendenan cu a cuminsa bira civilisa tabata biba eynan. Tin hopi klei y porcelena di dos tres siglo pasa.


Y ey nan sr. Odor a bin haya e placa cu nan ta yama C.O.B. coins cu ta procedente di un barra.

Ta asina cu e temponan ey ta un barra nan ta coi y ta kap e den pida y pone un stempel riba dje.

Y esey nan tabata usa como placa den tur e lugarnan latino den vecindario. Puntra cual ta e placa di mas bieu cu tin na exhibicion den e Museo Numismatico di Aruba, a bin tende cu esaki ta e "Dracma" di Grecia bieu cu ta 400 aña promer cu Cristo. Pa durante 27 aña, Mario Odor, junto cu señora Ines y yiunan Raquel y tambe Ruben a dedica na colecciona biyete y monedanan stranjero.

Satisfaccion di sr. Odor ta e impresion cu hendenan cu bishita e museo ta haya ora nan welta e coleccionnan. Esaki ta un fama enorme pa Aruba, hopi turista por ehemple e bin for di Merca y welta placanan cu e mes no conoce di su pais.

Esaki ta causa un impresion grandi pa nan cu ta te na Aruba nan ta bin sigui lesa pag. 17



haya sa e detayenan aki. Tin hopi hendenan por ehemple di Nepal y Burma a bishita e museo y nan a keda masha impresionado.

Ademas di welta moneda y biyete stranjo un hende por siña masha hopi di historia di placa y e pais cu e ta procedente y si enberda un persona kier mira tur e coleccion cu dedicacion elo tuma un persona por lo menos dos pa tres ora pa aprecia esaki.

Na final Mario Odor a gradici un y tur cu a dune un man den por a logra cu e por tin un di e coleccionnan mas grandi di mundo, pero en especial su señora Ines. Mario Odor finalmente a gradici su casa pa e coleccion grandi cu e tin awe y a bisa: "ta puro casualidad cu mi por a casa cu un hende cu tin mesun smaak y mesun opinion cu mi y cosnan asina masha poco ta sosode."

Hopi biaha ela

hinkami mas hundo den debe, pasobra nos no por spaar nos placa, pa motibo cu tur ta wordo contribui na compra e placanan afor.

Tin biaha tin di e placanan aki mi mester a cumpra na cuota pa mi por haye. Y mi casa semper a apoyami pa sigui cu e coleccion aki y te na e momentonan aki."

E museo aki ta completamente modernisa y aireacondiciona y ta habri pa publico tur dia cu excepcion di diasabra y diadomingo for di 7:30 di mainta te 12'or di merdia y for di 1'or di merdia pa 4:30 di atardi. Si por ehempel tin gruponan grandi por tuma contacto cu telefoon 28831, pa reserva un bishita coordinada.

Di parti di Matutino CORANT nos palabra di felicitacion cu e localidad nobo di Museo Numismatico Aruba y hopi mas exito cu te actualmente.